

VOL—I

( 1985 )

Rs. 3.00

---

**B I R R A L**  
**(GOPAL)-NI**  
**GOLPO**

*( The classic Story of Birbal ( Gopal ) in Garo )*

**P A R T — I**

**Ia Golpo kitapko iaaniko mangan:—**

**TRICO PRINTING WORKS**

**Dobasipara-794 005**

**I U R A**

**West Garo Hills.**



VOL—I

( 1986 )

Rs. 3.00

---

# **B I R B A L**

## **(GOPAL)-NI**

### **GOLPO**

*( The classic story of Birbal ( Gopal ) in Garo )*



**PART—I**

**Ia Golpo kitapko ianoniko mang an:—**

**TRICO PRINTING WORKS**

**Dobasipara-794 005**

**T U R A**

**West Garo Hills.**

## **KATTA BICHONGRANG:**

1. Sakchikung goka batsranggipa.
2. Gamchatbatsranggipa Gam.
3. Gopal A'gilsakko toa.
4. Gopal aro Gobinda.
5. Skia man'begipa Brahman.
6. Sawa nokgipa.
7. Gisik senggipa pante.
8. Badhu aro Chhotu ripeng sakgni.
9. Seng'gipa Bichal kagipa.
- 10 Brahman aro Dobok.
11. A'grani do karang.
12. Biamgipa saksani Rasong.

---

**Printed at the Trico Printing Works, Dobasipara, Tura.**

## UIATCHENGANI

Raja Akbar-ni sason ka'mitingo Birbar (Gopal),  
Prime minister ong'achim. Ua mande (Birbar) namen  
sengbegipa aro jenaba aro je somoioba cholet-rongret  
arichakna aro naljokataa changbegipa ongachim.

Da'o nasimang banggija jakransan ongoba uni  
golporangko rimtak-rimtak poraina man'gen.

Ian skanggipa nakatchengenggipa golpo ongenga  
2-gipa nakatatnakgipa golpoo bangbata Birbar (Gopal)  
ni seng'aniko nasimang sningna man'gen; aro uan-  
daken chap'a ka'angroraenga.



## SAKCHIKUNG GOKABATSRAGGIPARANG

Changsao, Akbar, Raja dal gipa ong'e pangan gisik seng gipa aro skia man'giparangkosa grongna aro agangrikna man'rongaiani gimin uni seng gipa Minister, Birbal minggipako okame gokga sakchikungko am'e rimbachina aganaha.

*Raja Akbar*— Birbal, anga Raja Dal gipa ong'e pangan seng gipa aro skia man'gipa manderangkosa grongna man'aia. Uni gimin na'a sakchikung gokgarangko am'e angona rimbabo. Anga nang na jasa somoiko on'gen.

*Birbal*— Atcha Maharaja, anga neng'mangijan gokga sakchikungko am'e rimbana man'aigen. Indita somoirangko nangjanaba donga.

Birbal gokgarangko am'na songjinmaona ong'katangon nikronggijagipa nikaniko nikna a'bachengaha. U'a nikanara mande saksa an tangni gure budepao gakate am bolcode skoo ritchile re angengachim. Birbal gisiktango chanchiaha; ia mande gokabatsranggiparangoni saksa ong'na nanga. Indaken ua uko sing'na chanchie aganaha—

*Birbal*— Oh mande na'ara ua am'bolni katomko an-tangan gureo gakateba maina skoo ritchilenga? Maina gureo gatja?

*Gokga-I* Hujur, ia angni gure budepabee bilgriaha. Uni gimin ia am'bol katomko uni janggilo gatpaode una jimdugagen ine chanchiesa anga uni kosako gakate ia bojako una chilchakpaenga.

*Birbal—* Hai indide nara arg baksa re babo anga nang'na bang a boksisko on gen ero nara am bol pale cha'na nangtaijawaha.

Indaken uamang sakgni re'angon sakgipin mandeko a'ao tue jak baywange dongengako niketaiaha. Ia mandeata mai-dakgipa org a me Birbal sambaona re'ange uni jakko dang-tape sing caha.

*Birbal—* Oh mande nang'ni jakranga mai onga—saengama?

*Gokga-2—* Ongja ongja, sajasrarg. Argi jakko dang-tapeabe ongjaode indita ong'gipa me'dkko anga ra'angna man'jawa. Maina angni jikgipa indita ong e dalgipa me'dkko ra'angtenga. Ia angni jakrangko illengatode me'dkni sizeko gimaatgen, ong'gija sizeni me'dikko ra'anghaode angni jikgipa angko janggi targa gimik sa'e donggen. Bilonggipasa uade!

*Birbal—* (Gisiktango chanchic) indakpile jararangba dorga danang (Gokachiko nie)Na a d'ao nang-ni jak baywango dontongbojok aro ang baksa re'bo anga nang'na medik chonaoni d'laona gimikkon ra'atgen Unon nang'ni jikgipani nanga s zeko man'aigen. (Gokga kusi ong en re'angpaa)

Indake Birbal sakgni gokarang baksa re'chakat a dak-miting chachao saksa mande ta'rakprete katbae Birbalko rake



katpingpale a'ao miktalborakrak dake ga'akataha. Birbal  
ka'a nangpre'e ua mandeko nitate aganaha.

- Birbal* — Bachini katbaemung mai jara ong'enga na ara?  
*Gokga-3* Hujur charg hajalsa bateba kema bienga angko  
 kema ka pabo. Anga ua nikatenggipa olakiram  
 biaponi bi'anirangko matchote re baenga. Da'd  
 anga angni ku rangara badita chel'e targa uko  
 uko toe nina inesa katangengachimba. Ma'ko  
 dakgen, na'an nosto kasrangaha. Angni chrika  
 kurangde bentongaha aro ahgade chelako tona  
 mansrapjah. Dao anga nangkoa mai dakbo?  
*Birbal* — Daode dontongkubo. changgipino totaina man-  
 gen. Ang baksa rebo anga nangna sonani  
 tangkako ronggni ongen,  
*Gokga 3 --* Sonani tangka ronggni nambejok! Aiao! a'awa  
 rachakna sikjawa

Birbal ia gokga sakgitamko noktangchi rimange ku-  
 turi gesao chipe done aganbaaha "Anga rebapilkujana king.  
 king nasimang ianongong-obo" Uni jamano nokoni ongkat:  
 adita reangarion mande sakgni bilongen sugiike dak-  
 grikeneko nike uamangko singeaha.

- Birbal* — Oh nangipa manderang nasimargara maina  
 dakgrikenaga?  
*Gokga 4 —* Nibo Hujur bia angni matmako matcha chikat-  
 na amenga  
*Birbal* — Nangni matmako matcha chikatna? Bao anga-  
 de matmakoba matchakoba nikjake.

- Gokga 5* — Na'a nikgen, Hujur. Je: salo Isol chingni bion patianiko ona kurachakgen unon anga matmako biode b.a matchako bisikana amenga unasa angaba bia matmako bi'ode matchako bi'skae bini matmako chikatna ani enga.
- Gokga 4* — Knaa Hujur? Da'o mangmang nang ni mik-kango agana. Bia matmako bi'ode angaba watskajawa. (dakgriktaia)
- Birhal* — Oi jararang dakgrikako dontongbo anga na'si-mangko ang baksa rimgen aro boksisi on'gen.

Indakmiting chachao saksa mande toko a'ani mediko skoo ritchile re'baengachim. Ua Birbalko aro' ua mande sakgnini dakgrikako namatna aganengako knae indine rake Chrikbaaha.

- Gokga 6* — Hujur na ara jara dake ia gokgarangni kamko maina bebe ra'enga? Na'a bebe ra'jaenga inbo. Na'a bebe ra'ja mode angni grengrangba bnek-china, angni an'chirangba joksolsolchina. Ha nibo, ia gita! (Tai dake to gnang me'dikko uamangni mikkango gopreta) Ha! che che!! Maiko dakaha angara. To aro me dikde dong-jajok.

Birbal ku'sik ku'saba agangija ia sakgitam gokgarang-koba sakgipinrang baksa apsan kuturio chipe doneaha. Salsani kam chu'sokahade badita chu'sokkuna, bangki gokgarangkode salgipino amaignok ine chanchien au-miksue atam jatengao roramna ine ong'katangaha. Adita roramangon

jajong tengao saksa mandeni maikoba am'engako nikeaha ua  
ua mandeko, singaha.

*Birbal* — Na'ara maiko amenga ripeng.

*Gokga 7* — Angni jakstem gimaatakosa amengachim naa  
Hujur.

*Birbal* — Ia biapon gaakama ?

*Gokga 7* — ongja Hiwa bol salikimosai uano bol jagringni  
andalanasa angade ia sengaoniko amenga

*Birbal* — Nangni jakstemko amnabeaha anga gital bree  
ongen, hai ang baksa rebo.

Birbal aro snigipa Gokga jajong tengao  
reanguon sakgipin mandeni maikoba amengako niketaisha.

*Gokga 7* — Hawa mandeko niat Hujur uaba maikoba  
am'engakonne hai an'ching uko dakchakna  
(sakgnian ua mandeni sambona re ange sing a)

*Birbal* — Na'ara maikoba am'engama ?

*Gokga 8* — Hujur anga ki'na re'angna ine iano angni degal.  
ko an'cheng ning'o dape donangachim. Da'oara  
nikjaengjok.

*Birbal* — Na'a chin dakede donenggenchimba ?

*Gokga 8* — Aiao ukode agannaba nangja. Ia angni' dong-  
gipa tongtong aram damsang dongachim na'a.  
Da'o bachin katsoaha u'ijaengjok.

*Snigipa Gokga* Oe na'a da'nang ia aramara maidake togiaha.  
Da'ororo sako bebe ra'gen Hujur. Pilakan  
toginasa joton ka'tokaia. Chel da'nang, banoni-  
ko nikkugen ia.

*Birbal* — Am'nabecha. Anga nang'na gital degalko bee  
on'gen, ang baksasa re'palbo.

Birbal sakchet gokgarangko chimonge cha'e ringe tusiaha. Pringo chakate Akbarni kachariona ua sakchet gokgarangko rimange aganaha.

*Birbal*— Moharaja, anga sakchiku n gokgarangko man'baaha

*Akbar*— Hare Birbal! indita ta'ake banoni gokgarangko na'a man'baaha.

*Birbal*— Gokgarangko man'a altubea.

*Akbar*— (chane nicherge) Baosa Birbal anga nangko sakchikung gokgarangko ambo inesa aganachim ianode sakchetsarde.

*Birbal*— (Kratcha a gnang) Moharaj, sakgnigipade na'a aro angan ongaia.

*Akbar*— (Rake aro ka a nange) Mai Birbal na'a mai tamasako dakenga.

*Birbal*— Moharaja na a dal'gipa raja onge gokgarangko amna watatani gimin na'a skugipa gokga aro nang'ni watatako mane gokgarangko amna reangani gimin angara chikunggipa gokga.

Raja aro kachario donggipa manderang gimikan ok sapile ka dingaha.

---

—Mechik saksä me'asa saksao indake singengachim Archingni dongram agilsakara, dal'albegipa aski ronggnini nangtinggrike bejemjem minoni tin'sa onga. Indice mea mechik nangchapgrikskagata maj onskagen? Measa aganchaka—  
'Bi'sa' —Na'ara badine chanchipagen?

## GAMCHATBATSRRANGGIPA GAM.

Akbar Raja namgipa, manderangna kasagipa aro jak-srambe<sub>2</sub> ipa ongachim Ua uni rani Begumna namen kasabegipa ongachim. Indiba salsao mainiba asel uni raniko ka'a jange uko bakbak katangchina rikgalaha. Rani Begum namen duk ongaha. Inditan molmole bi beoba raja uko kema kajaha. Indaken ua maiko dakgen pijae duk onge chanchie dongmitingo rangsan Birbalni gimn gisik raaha. Birbalara Akbarni kachario sengbatsranggipa Montri ongachim. Ua saniba nengnikani somoirango dakchakronga. chim aro saoba janggi signiona gaakgipa obostarangeniko jokatna dakchakrongachim.

Rani Begum uko okamate maiko dakna nanga kupatichina molmolaha. Birbal raniko singaha "Raja nangko rikgalmitingo mai katarangko agane rikgalaha?" "Na'a salsani gisepon ia biapon katangbo aro nangni namnikgipa gamko nang baksa raangbo" ine ua angko rikgalaha ine Rani aganaha Birbal ranina maiko dakna nanga agane donangaha.

Rani Birbalni agananga gita dakna tariaha. Ua uni nokol mechikrangko okame an'tangni rana nanga bosturangko tarichia aganaha Jamankitiko ua uni nokol mechik jakrik-rako okame aganaha "Nasimañhi Moharajako agane bonkame gronge reangna sikbenga. Uni gimn angko bonkame grongchina aganbo"

Akbar raja raniko gronge rebao nani aganaha

" Moharaja anga renasiaha indiba reangna skang anga nangna anga antangni jakchi kasingipa ringaniko one donangpana sikode ringpabo " Raja namnike glasso ongipa ringaniko ringaha. Indiba ua ringaniko ringon ua rangsan tusinape palango tusipekaha. Unon Rani nokolrangko palki gegni gesa antangna, aro gegipinko rajana tarichina aganaha.

Indake rani antangni nanga bosturangko mitam nokolrangko raate Palki gesao antang aro gegipino Rajako ripeate antang pagipani nokchina songreangaha. Jensalo rani antang pagipani nokona sokeon, mamung kobor gri gitikgitak sokeako nike uni pagipa aiao inmanaha. Mai aselni gimin indake reanga uni aselko singon rani aselko aganchenggija Moharajana blap tarichinasa pagipako aganaha.

Rajade sokange palango antangko palango tuate donarangkoa uigija tusibeengachim Sokani kontasamangni jamano mikrakoa mikwang pewang dake antanga banon dongenga uijae adita jripjrip jara dake raniko nitate dongaha. Jensalo mikselaha unon ua raniko singaha "Ilan nangni pagipani nok ongjama ? Rani aganchakaha. Moharaj naa angko angni namnikgipa gamko rae angni pagipani nokona rebachina agana. Uni gimin anga angni namnikbatgipa gamko rae angni pagipani nokona rebaaha. Raja ka o nange aganaha " Nangni aganani miksongera mai ? Maidake angara iano ongna nanga ? " Rani aganchakaha " Nangna agre angni namnikbatgipa gamara agilsako mai donga ? " Uni giminsa anga nangko tusiani somolo ringani baksa one nangko tusiate ang baksa rebaaha. Dao naa maiko daknasia nangni ska. Raja kaa nangna changpiljae kadingaha aro uni chanchianirangba dingtangrangaha.

Raja aganaha "kamrangkode namen senge dakaha Angua kakketko aganbo, ia kamrangko daknara sawi nangna kupa'iaha?" Sawa ongges nangni Montri sengbegipa Birbul-na agre sawa indake kamrangko dakna anga ine Rani agan chakaha.

Raja kusi onge antangni raniko rime noktangchi reangpilaha.

---

#### GOPAL A-GILSAKKO TOA.

Krishna Chandra raja Murshidabadni Nawab Raja Dalgipani ningo donge Bengal asongko sason kaengachim. Salsao mainiba gimin duk onge darangkoba gronggi a kuturjta-ngo nape chanchie dongengachim Gopal. Rajani Napit saksa ongachim Ua rajako grongna skode je somoioba manaiachim Indiba ianpakode raja uni napit Gopalkomangba grongna onjaha. Gopalara saksa senggipa mande ongachim aro ua banga ch'ngon rajako duk onganirangoniko naljokatrongachim

Ua Rajako grongna reangon doge dongtingipa uko napna onjaha. 'Doga dongtingipa aganaha. Raja nangko grongna sikjaenga, Gopal aganaha Raja angko grongna sikjaode anga bko grongna nanggen. Indake ua napangdr.e rajako grongeon Raja una kusik onsojachim. Uni dakronga gita Gopal rajako kusi ongatna golporangko agane niobi kusik aganatna manjaha. Unon ua raja duk ongchong-mptenga ire uina manaha. Gopal rajako molmole aganaha. Moharaj naa maina duk onga angnaba aganpabo Naide

angaba nangko dakchakna manpanaba donga. Raja aganaha, Da-agarsranga Gopal na'a ianpakode mamungkoba angna dakchakna nangchongmotjawa. Maina Nawab raja angko agilsak gimikni gro aro gipengko toatenga. Da'o angara maidake Agilsakni gro aro gipengko tona man'gen uko dakna marjaode ua angko soote galgen Gopal aganaha. Iasan-mangmang? Na'ara unan mdita duk ongama? Oh ukode angna donaibo. Anga altuen uko dakna manaigen. Angna matchu gari ge kolgrikbonga aro towno donga gimik silk aro kilni kildingrangko chimonge onbo. Raja aganaha. Naa manjahaode angni janggi gimagen aro nangni kamba bongen Mamungba ongjawa nangni janggiba gimajawa aro angni kamba bonjawa ine Gopal aganchakaha.

Gopal, Rajani nokkol chakkolrangko o rime matchu gari ge kolgrikbongao silk aro kilni kildingrangko gape gattoke Murski dabad Raja dalgipa nokona rechakatengaha Jensalo sokeaba ua rajako grongna biaha. Rajako gronge ua indine aganaha. Bengalni raja Krishna chandra angko nangni order gita Agilsak gimikni gro aro gipengko tochina watataha aro anga uko matchote dao rebaenga Moharaj naa-neng-nikjaode ontiti apalona ongkate nirikpabo anga nangna mesoke donanggen (Gopal) antangni rabagipa matchu garini kildingrangko mesoke agana) Ia gechibri matchu garini kilding gimiko joratokode ua Agilsakni Groni roa onngen aro bakki matchu gari gechisan kilding gimikko joratokode uni roanian Agilsakni gipegni apalani onngen. Na-web raja aganaha 'Mai, nangni ia toarang tiktak ongjaosai'. Moharaja naa bebe rana nengkode antang jaktangchi kilding-ra gko jorae salroroange nibo' ine Gopal aganaha Atcha indide



ongaha, naa dao reangna mangen' ine raja aganon Gopa aganskaha oh Moharaj angni nengbee kam ka anide boksisba dongjawama ? Raja uko knarion uni manderangchiko nie indataha. Nasimangara mainasa iano chadengchae dongenga, ia mandena sonani tangkako gong ritchasa bakbak onatbo.

Gopal a'gilsakni gro aro gipengko tochongmot'ja toronni kildingrangko chimonge matchu gario raange rajan togie donbaarin sonanni tangka gong ritchasako boksia mane noktangchina kusi onge rebapilaha. Sokbae ua antangni rajako gronge onga obostarangko agane onetokoa raja pro uni manderang pillakan uni senganina aiao inman-tokbeaha ina.

-----

## GOPAL ARO GOBINDA

Changsao Gobinda minggipa mande saksa badiaba song Jamsao dongachim. Uni noksul Gopal minggipa mande saksa senggipa aro chalakigipa ongachim. Gobinda minggipa mandeara namen chanchirakbegipa aro saloa chanchari jumang nikronggipa ongachim.

Salsao ua matchu bima mangsako breani gimih chanc' bemitingo uni jikgipaba uni sambao asonge dongengachin. Chanchipreten ua skatang antangna rake indine agan. Anga matchu bima mangsako bree uni dutrangko gheer. Jiko aro makourangko pele mane chagen unon jikgipa

uni indine aganako knae antang gisiktango indine chan-  
chiaha. Angni segipa matchu bima breode medikrangko  
nanggen. Uni gimin anga bajarchi reange medikrangko  
breskagen. Indaken ua mechik bajarchi reange medik tebriko  
brece rabaaha. Unon segipa uko singsoaha. Mainasa  
medikrangkoara rabaaha ? jikgipa aganchakaha. Naa matchu  
bima brena inani giminna dutna makonna aro gheena  
medik nanggen ine brece rabaaha Segipa aganaha. Nambejok  
indiba bregipa medikara mainasa jikgipa aganchakaha Angni  
nogipana dut one chaatrongnasa rabaa naa dut one chaatna  
Angni hukumko manchenggija maina naa iako daka? ioe  
segipa kaa nange singaha. Naa matchu bima breode angasa  
Jakkara jakkalgen unon anga angni namnika gita jekoba  
dakna manaigen ine jik aganchakaha. Jikgipani indake agan-  
chakani gimin Gobinda kaa nange jikgipani medik rabag pa-  
rangko dokpretoke jikgipako dokengachim. Indakmitingo  
uni noksul Gopal hala ongako knae mai ongenga ine rebae  
nioa jikse jegrike dokgrikako nikaaha. Ua nokningchi napanre  
maina kajia ongenga - uni aselko singeaha. Unon Gobinda  
aganaha. Ia mechik angni matchu bimani dutko nogipana  
onatna amenga na'a Angoba singcheng sanchenggija skatang  
dakanasa kaa pange anga bini medik rabagiparangko dokpe-  
toke bikoba dokenga. Gopal singaha. Baosa angade nasi-  
mango matchu bimakon nikjake maini dutnasa jegrikenga?  
Ongja naa anga brejoko inesa aganengaba ine Gobinda  
aganaha. Oh brena amgipa matchu bimani dutnasa jegrik-  
enga ine Gopal agane apalchi reange ..wasre' rakako rae  
apbapile aganeaha. Anga nangko mejalonin chinge dong-  
ongachim, janpakode anga nangko watjawa- indine agane

Gopal Gobindako antangni wasre rabagipachi dokna aba. Chengaha.

Gobinda nawang dake kaa nanga gnang aganaha Hat sala maina asel gri angkoa dokenga naara? Naara nangni matchu bima brena amgipako mini salonin wate donaiengade ua matehua angni kobi gena sigipako bonen chatokahaba unasa angade nangkode kaa nange dokenga ine Gopal aganchakaha.

Gobinda mikselbae antangni gualako uie Gopalna kratchae aganaha Oh ripeng kema kapabone anga gualesa ia pillakon dakmanaha.



## SKIA MANBEGIPA BRAHMAN

Changsao saksu Brahman poraina nanga kakketko matchotoke gaora dee songjinma dalaona kam amna ine rechakatangengachim. Uni poraigipa biaponi songjinmaona rama chelbeachim burungrangko chibimarangko batsote reangna nangachim. Indake ua songreangmitingo dalbegipa chibima damsako gabatna nangachim. Ua chibimako ring chongipaosa songni manderang chobate onrongachim. Ringo gakaton adita songni manderangba un baksa dongpaachim Ua Brahman gaora gisiktango chanchiaha Anga ia mande. rang baksara maiko agangrikgon mamung namgnikoba manjawa jeba ongbo somaiko reataade anga maikoba belbele

rona nanggen. Indaken ua ringo gabatbagipa songni mande saksachiko nie singanirangko singe rona abachengaha.

*Brahman—* Riperg nibo anga saksia skia mangipa Brahman onga. Anga agisako uina nanga gimikkon utokaha. Naara maiba uianirangko uiana?

*Songni—* Guruji angade songni mande onge mamungkoba uipaja.  
*mande*

*Brahman—* Naara Ramayari gimin poraipaama?

*Songni—* Guruji angade mako Ramayana nanga upaja  
*mande* Janggi tanga gimikkon indakgipa kuttarangko.  
de knakuja.

*Brahman—* Oh! bonaha. Nangni janggi tangani bakbrini baksade dongjaha. Indide naara Upamshad ingipako uiana?

*Songni—* Dongja Guruji Indakgipa poranirangkode  
*mande* uija angade ine anga nangia agumaha

*Brahman—* Aiao pipeng indide nangni janggi t g ui bak  
g ini baksade bonaha. Atcha indib. Philo-  
sophy ingipakode knapaakonbi?

*Songni—* Guruji angade mamungken uija ine naan  
*mande* uia. Midake anga indakgipa uianirangko  
uigen?

*Brahman—* Ongjaha nangni janggi tangani bakb ini bak-  
brini bakgitamde, bonsrangaha. N. ugi janggi  
tangani orioan dongjaha.

Indake aganrike ringo reargmitingo arum simbae  
mikka balwarakna abachengaha. Ring'chogipa gi man-  
de angko simsalchida mikrakataha. Aditani jama o mikka

ba'wa tarake ringko chona manangjenghachim.

*Rimr —* Ring bikpilna siengaha Antangtangna sim  
*choz p1* sakbo Angade chona marjewaha (Iako agam  
 antangde chiona bilone jroe katangaha

Ringo g.katg pa sorgni g'pin manderangbe  
 bilantoke chio jroe katangtokaha Ringba chi gape bikpilna  
 saaha.

*Sorom —* Dao anchingni obostade namjajok. Naara  
*m n12* chi jrona changama?

*Brahman —* Aiao! janggi tanga gimikon chi jroe nikuja  
 Daosara maidake joknuok lanon sina nanghi  
 gnokon.

*Sorom —* Guruji angade angni janggi tangani bakbrini  
*naid* bakgitamkosan gimataha indiba naade daal-  
 de nangni janggi tangani chugimikkon gimeat-  
 na siengake. Indane agane songni mande  
 Brahmanke salam kae chio bilone jroe kat-  
 angaha aro ringba bikpilaha.

Antangni uiao pangchaké gaora deaniara  
 mamung namgniba dongja batesa antango donga g mikkon  
 gimaatsrargani ongaia.

-----

## SAWA NCKGIPA

Gopal' minggipa mande taksa barren senggipa are  
 agancho'etna changgipa ongachim chingiao sa - dokan

reangmitingo achak mangsa uko jarikangaha Jensalo dokan-  
ona soko a Gopal aro achakni kisangkisang dokan nokni  
nokgipa jarikange | aganaha.

*Dokan —* Hei Gopal naa achakko nokningchi maina  
*nokgipa* rimangenga? Anga achakko noko napna onja  
ine naa uijama?

*Gopal—* Achak oh ia achakde angni ongja, banoni achak  
rebaa angade uija.

*Dokan—* Maidake nangni achak ongja ia nangni achak  
*nokgipa* ongchongmota. Ongjaode ua nangko jarikj, wa-  
chim. Nokgipa aganani giminsa ua nangni  
kisangkisang rebaenga. Bakbak naa ua achakko  
apalchi rikgalatbo.

*Gopal—* Oh angni kisang kisang rebaani gimin anga ua  
achakni nokgipa ongode ua achakde nangni  
nokgipa onskagnok. Maina achak angni kisango  
rebaa indiba naade achakni kisangosa rebaa.  
Nangni nokgipako rikgalatna skode rikgalatbo  
naasa. (Dokanona rebagipa mande gimikan  
kadingtoka)

---

## GISIK SENGGIPA DEPANTE

Changsao namgijagipa mande saksa badiaba songo  
dongachim. Uni jikgipa namen dambeengachim. Uamango  
depante saksa bilsichikung onggipa dongachim. Ua mea  
bita namen gisik senggipa ongachim. Ua mandeni pagipa

udepaba uamang baksa dongpaachim. Ua budepapa namen udepabeahani gimin mikron nikjaha aro jaa jakrang tilti' eahachim. Walsao uamang jiksese ua budepako bu-ungchi imange akol choe tangako gope galna chanchisrukaha. Tang sengon ua mande antangni matchu gariko tarie ua udepako nokoniko rimongkataha. Unon ua mea bisa okoni ongkatbae pagipao singaha.

*Mea-bisa*— Baha atchukoera batchi rimangenga ?

*Pagipa*— Dede atchuko songjinmachina rimangna  
angnga

*Mea-bisa*— Angaba atchuko rimangipochi repagen.

*Pagipa*— Dede naade ai baksa dongrikbo Ai nangra  
chia chaaniko ongen

*Magipa*— Nol nengchi rebabo anga nangna nangpani  
mejlo rabagipa ch aniko ongen. Rebabo  
bakbak.

Indiba ua mea bisa manigija matchu gario  
pakate redrapaangasaha.

*Mea-bisa*— Atchu angaba nang baksa repagen.

Pagipa gisiktango chanchiaha. Maiko dakgen  
ia bisa dengguke rimpanan nangaigrok Indiba ia bisa  
angni daka kamko nikna nangchongmotjawa Adita chele  
reangani jamano gopram sambao gariko dongdikate uamang  
atchusako gario dongsochina agane antangde kodol ripee  
burungchi gopramchipakna reangaha. Mea bisa pagipani  
jamano sriksrik garioni ongkatange pagipako sandiangaha.  
Pagipako nikon,

- Mea-bisa* — Baba !
- Pagipa* — Naa iano maiko dakenga? Nang atchuchi reangpilbo
- Mea-bisa* — Baba naara maiko dakenga?
- Pagipa* — A'a choengako nikjama naara.
- Mea-bisa* — Mai baba iano maiba dorna dongama?
- Pagipa* — Agans-angon nambatgrok ine gisiktango charchie Dede anga nang atchuna gopramko choenga.
- Mea-bisa* — Atchuna gop'am! Atchuara tangengake baba,
- Pagipa* — Oe tangade tangenga. Ind ba ua namen budepadugaaha, choliyaha. Ua noko mamung kamkoba kana manjaha aro cha'ara agre chana nala. Ua' ruute tangjawaha. Uni gimin anca aro nangma uko dao gope galoba mamung namgijani ongjawa ine charchiaha.
- Mea-bisa* — Oh, baba nangni aganani gimin anga name. kusi onga.
- Pagipa* — Dede naa ia kamrangko daragnaba agane onabe. Ongjaode arching gimikkon kae ranggen
- Mea-bisa* — Anga ontiti kodalko onbosung. Ua mea-bisa mamungkoba agangija kodalko rae reanga. Pagipaba kisang kisang jarikanga. Ua bisa adita reange aa chona abachenga.
- Pagipa* — Dede naara maiko dakenga?
- Mea-bisa* — A'a choenga baba. Anga nangko sengchaatna sikja.
- Pagipa* — Maiko miksonge agarenga naara, dede?
- Mea-bisa* — Jensalo naa budepaaha unon anga atchuko gita ramarango nangko sengatna nangoikja.



rabae joljol gopatna mana gita daon akolko  
chce donsrangnok.

*Pagipa—*

Mai! naa angko tangako gapna amenga!  
Maikai naara nangni pagipako indake dakgen

*Mea-bisa—*

Indiba baba naanba nangni pagipako indake  
dakengajokona! Baba angade nangni  
kamko mingsakoba watchanggija jarikaigen  
aro nokdango dakbewalkode pechongmot-  
jawa. Nangni dakana bate namkalbate aro  
senggnange niksamsce daknasa jotton ka-  
engaba.

Pagipa mamungkoba agangija mikchi ipake  
au au grape aganaha.

*Pagipa—*

Dede naa angni mikronko oaha. Naa  
angko dalbegipa papko dakgnioniko jokata-  
ha. Hai rebo atchuko nokchi rimpile regnok  
Indake agane degipako gipake noktangchi  
rena ine garichi reangpila.

-----

## BADHU ARO CHEOTU RIPENG SAKGNI

Changsao badiaba chongipa song damsao Badhu aro  
Chhotu minggipa mande sakgni dongachim aro uamang  
namen ripeng ongachim. Uamang sakgnian namen kangal-  
gipa mandarang ongachim. Salsao uamang antangtangni  
resongo pangchake janggi tangani cholko amena ine gipin  
sorgargchi reroroangaha. Song damsaoa sokeon saksu  
songni sams chi aro sakgpin songni samgipinchi k'm amna

reroroangaha. Atamchibara biap damsao gronggrike agagrik-  
 oa Badduara saksa mandeni bagano bolrangna chi rutimna  
 aro Chhotuara saksa mandeni matchu bima mangsako  
 charatimna kam mantoke kusi ongtokaha. Uamang nok  
 chona gesako dongchakna gita manpaaha. Un walode kusi  
 onge chae ringe suk onge tusitokaha. Pringwalni songe  
 chane chamano antangtangni kamchi rechakatangtokaha.

Baddu salgimimik ongnaspile ruoba pangsa bolni  
 jipangde ranaiachim. Ua atamo nenga rengu rengu dake  
 kusik jaksik ongija nokchina reangaha. Chhotuara pringo  
 matchu bimako moaenge enge watatoa sakgpinni miai  
 : barangchi katpetpetangtokaha. Mini nokgiparang uko  
 ramen manengtokaha. Salgimik matchu bimako kapina  
 rikroroon atamchibara mane nenga amchakjiha. Jens lo  
 namang sakgnian nokrona soktokoa nenga amchakje sak-  
 gnian kusongdodo dake agangrikgija jripjrip dongtokaha.  
 Aditani jamano uamanga agangrikna abachengaha. Chhotu  
 Mai Baddu nangni kamni obos'a mairokom?

*Baddu—* Gisiktango anga salgimik nenggokple chi  
 dongatna manja ine aganode ua angna  
 kadingstekgen. Oh angni kamde namade  
 namaan chi runade salpaksaa nangja  
 nengtake dongnasa aratpilaha. Mai nangni  
 kamara mairokom?

*Chhotu—* Gisiktango anga salgimik matchu bimako  
 rikrorona nangaha ine aganode ua angna  
 kadingstekgen. Angni kamba nambea. Sal-  
 gimik bol salakimo tusie dongnasa nangaia

Matchu bimara sambao samsi namani  
gimin chae nion amchakpilja. Indake  
sakgnian saksu sakgipini kamko nameng-  
gen ine chanchie mikbugrikna abachenge kamtangtango  
sregrikna sikengachim indiba sakgnian parakgrikna paja-  
engachim.

*Baddu—* Chhotu, angni kamara namade namachim  
indiba kam bangjani gimin ronasa aratpila  
unasa anching kamko sregrikoara mai ong-  
gen ine chanchiengachim.

*Chhotu—* Oh Baddu angaba indaken chanchiengachim  
naa. Naan ia parakani gimin angade kusi  
ongbejok. Angaba angni kamode aratdugae  
nikenga. Hai anching indide sregrike kae  
nistranggnok.

Pring sengoa Baddu Chhotuni kamchi matchu bimako  
moe buduni palangko dee reangaha aro Chhotuara Badduni  
kamchi baltin gesa rae barini bol bisarangna chi runareangaha

Baddu kusi onge matchu bimako moange uko budu  
enge watate antangni palang raanggipako bol salakimo done  
tusina dakmitingo uni watatgipa matchu bima songni mande-  
rangni abani mirangko chaeaha Manderang uko kaa nange  
manengatokaha aro matchuko bakbak budu kachina agantaha.  
Baddu matchuko rikangna dakon palangko donangode gipin  
chauna kenemung palangko sipce raangaha palangko dee sal-  
gimik matchu bimako rikroroe uko mengbee atamchibara jen-  
ten kana mane kaa nange antang palangko salbrobrote rengro  
rengro dake nokona sokbaaha.

Chhetuba bo! bisana chi ruon pangsa bol

bisanade salgimik baltin ritchasa bate ruoba ranaiachim.

Barini nokgipa rebae manengdatecoa aro  
rakbute kam kana nanga atamode bilongen nomaha.  
Nokona sokrimtokoa.

*Baddu—* Chhotu nangni chalakide bilongade mo ?  
Naa indake ripengskako chabokgen ine  
angade chanchijachim.

*Chhotu—* Naaba agitchajajok. Atcha Baddu anchinga-  
ra sakgnian apsana:jok sako badine agan.  
kuna Uni gimin mikangchi:de anching  
kakket onggrike kam kas:ang:inaha. Indiba  
angade ua bol pangsani jepangnde aiao  
inmanaha, jegita chi ruoba ranangaia.

*Baddu—* Oesai angaba ukon chanchiengachim Anga  
mejalo baltin te ritchasana bate rudapa  
indiba rya rugija gita dakaja, Arga  
chanchia ningo bangbang dakakon.  
saoba maikoba gopa inesa angade chanchi-  
ch'penga.

*Chhotu—* Angaba indaken chanchiehipenga inaba.  
Hai anching dao ree choe nisrangnama ?  
Indake agangrike uamang sakgni. n antang-  
tangni nengarangko guale kodai rae reange  
choaha.

Adita chue choani jamano mamungkoba  
nikje akolko dappilnasion Baddu maikoba nika name nia  
Chhotuba uni indake niako nika maiko nika ine singoa

manungba ongja roongsa ine Baddu aganchakaha. Indiba Baddude sonani tangkako gopa mediksako nike Chhotuna agangja jripjrip aako dapoa dake donbaaiaha. Baddu maiba gamchatakon nikaha ine Chhotuba chanchipalaha. Nokona rabapile tusina dakon waljatchi ongaha. Jensalo Baddu tusiaha unon Chhotu chakate sriksrik reangpife bile nioa sonani tangka mediksako nike uko rabaa sambao donggipa chibolni ningo donue done tusipilaha. Gontasa adha mangni jamano Baddu mikrake Chhotuni tusingako nike ongkatange aptangni nikbagipa sonani tangka mediksako ameaha. Ambeoba nikjae Chhotuan raaha ine chanchichipe rebapile nioa Chh tuni jao chibolni adubek jasku onge uni jao, mabakako nike ua chibolona reange ameoia ua sonani tangka mediksako nike songtangchi loljol gada mangsako tae uni kosako gakate reangaha. Chhotu tusichipe sal napilahaosa mikrake nioa Badduko nikjae chibolchi reange antangni tangka donbagipako ame nioa nikjae Badduan rae songtangchina katangaha ine chanchichipe gada mangsako aro nitobegipa sendar jorasako rae rama sengsotho burungloljol katsotangaha. Badduara ua ramako uipajachim.

Chhotu Badduni rebako nioa uko chelao niksoon sandal samsako ramao gale donange adita chele reange gegipinko ramao gale donange ramani sambao burung tae sengsoaha. Baddu sandal samsako nike uko kolame nie mikbokaha. Samgipin donggijade mamungnaba choliawa ine chanchie gale donbaaha. Aditani jamano gegipinko niktaioa uko kolame nie mikboktaiaha. Unon na uni gadako kae donange tangkakoba gadani janggilo donange sandal samgipinna rikangaha.

Unon Chhotu tangkako raskae antangni gadao gaté songchi reangaha. Baddu ua tangkako raanggipa Chhotuan onngen ine chanchichipe sawa gipinko tarake reang-soe Chhotuni noko nape uni palang kokimao dongsoaha. Bean bebe Chhotu tangkako rae noktangona napange doge tek-change tangkako chane nina ske aao bara ane pake channa abachengahaon

*Badhu—* Oh Chhotu jensalo anga medikko nikjaon nangkon chanchipaia aro indaken rama gipinko tarake rebae nangni noko nape ia nangni noko nape ia nangni palang kokimao nape nangnan sengsoenga. Anchingara sak. gnian denggu apsanaijok uni gimin hai anchingni mana gamko sualnaha,

*Chhotu—* Mai Baddu naara anga antang saksan ragopna amenga ine chanchiama. Sualnade nangai. genba (Suala matchotoa sonani tangka rongsa gitcheaha) Anching dao ia gitcheagipa tangka gongsako mai daknok ?

*Baddu—* Oh, ukode angna onataibo.

*Chhotu—* Ongja, anga knalo dokanona reange ia sonani tangkako silverni tangkachi arce apsangrik sualnadong.

*Baddu—* Atcha indide anga knalo rebae raigen' (Indine agane noktangchi antangni bakko rae reanga Baddu pringo Chhotuni, nokona rebae ameon bisa saksu grapmike agansoa.

*Mea-bisa—* Mama Chhotude sisrangaha. Maiko dakgen  
*Baddu—* Gisiktango oh bia tangkako sualna sikjae

antang mangopna skesa dakmikenga) Oho maidakesa sigalgalaha danang! Mande nam-beachim uni tangmitingode angna bängen dakchaka dao una maiko dakskana mankugen Jeba ongbo anga, bini bikapkode soe galatpa-na mängen (Indine agane bolplengo uko kakape salbrotbrote burungchi soe galna raangaha)

Chhotude maiko dakna nanga uijae jajrengbee jrip jrip donga dakaiaha. Maina Baddu bini bikapko soe galna reanggen ine uisojachim. Burung jatchiona sokange sona dakon, dolsa dakaitirang sonani tangkako chane ua biapchipak na rebaengachim. Uko nike Baddu kene bol kosakchi gadoe katsoaha Chhotude kenaan sibokpile sianikosan sengsoenga-hachim. Dakaitirang ua biapchachason nengtakna ine asongtok. aha, Dakaitirangoni saksa uko nikate manggisiko niko de so'e galna nanga ine uamang bebe raachim aro indaken uko so e galna ine bolrangko dene dantokaha. Uko nikon Baddu Chhotuna kasachake uko jokatna manosachim ine chanchiaha. Jen salo waal sname uko sona dakon ua chrikchetchete chatkatbana dakoa dakaitirangde ua mangchabaenga ine kenjagok-na abachengaha. Unochachaan Badduba bol rimstoke b lani gaakonbasha. Uko nike memang kalakenga ine chanehie dakaitirang an'tangtangni chaubaa bestu gimikkon gale katangtokaha. Unikoa Baddu sambaona rebae aganaha.

*Baddu—*

Anching namen rasong guanggiparang onga, Anching ia dakaitirangni tangrakode mantokaha, namen mane chagnok.

- Chhotu—* Chergmet da'de anchingni rasong gnargani  
sal onghongmota. Hai anching iakoba suale  
ragrok. (Sualon tangka kapsa pichataia) la  
gorgsa gitchagipakora mai d'ignok ?
- Buddu—* mija sualgipani gongsa gitchagipako naa,  
raha iakode angna onskerbojok.
- Chhotu—* Oh nambehegen ha rabo Indire agane ua  
tangka gorgsako Baddura onaha.

Ind ke uemang gam'angko mane kusi 'onoe  
uema'gni bargki salrargo kusi onge ripe'g onggrike ,et tang-  
aha.

### SENGGIPA BICHAL KAGIPA

Badiaba song gamsao Pedro ninggipa me- bisa saksu  
uni amilitarg baksa dongachim. Uri maa paa uni chon-  
mitingon siangahachim. Uemang narren kangalleg parang  
ongani g'imn Bada (Rokensa chatni) tarisa pale pulesa  
pelgni lap manpaachi j'nggi tangpaachim. Salsao atamchi-  
bara Pedro Bada pale reb'pilmitungo ramao buchuma  
saksani ambolana anja cetonargako nika ua kas'chakaha  
Ua antangni Bada rachakgipao paisa b'isat'ngle pake raba-  
engachim. Ua bada rachakaniko rama sanbao donange  
buchumani an bolko flo-c'w' d'etnra cakchakaha. Uon  
reb'pille nioa antangni Bada rachakanio donanggipa paisa  
gimascaha ine nikaaha.

*Pedro—* - Ch angni paisakode chauaha (Rake chika)



Uni ch'ikako knae songni manderang tomba-  
toktha. Mitamrang uko singanirangko singtokaha.

*Songni* Naara paisakoa ua' bada rachakation donbe-  
*mande saksa* — beachimma ? Maina jepo sike rabbitja ?

Indake j ja jija dake dongengmitingo saksa  
bichal kagipa Sennor Cactano minggipa ua ramako repakba-  
eng chim.

*Sennor judge* — Mai onga ?

*Pedro* — Anga bada pale rebapilmitingo paisako ia  
basketo ranani sambao donege ua buchuma  
saksara ambolko skoo gatna amgijako nikate  
reange dakchake rebapilon prisako nikejaha.

*Judge* — Unomitingo saoba iano dongachimma ?

*Pedro* — Darangba dongjachim, skigipi,

*Judge* — Darangba dongjaode ( Roongchiko jaksi ote )  
ua roongan raenggen. Ua roongko courtona  
rababo uko bichal kana nanggen.

Linakan uni dakako nike ziao inmantokenga-  
chim, Mitamrang ua pagla ongengama ineba chanchitokpil-  
enga him. Roongko kacharichi raangaha. Manderang pilakan  
uni dakako nina sikbeaha aro tombatokaha. Sennor kaucharin  
dogacholo dorge aganaha.

*Judge* — Sengkubo, Ua mechikmani baltinko bie chi  
brae rababo. (Ua baltinko dogachol sambao  
done) Je Manderangan ia bichal kaaniko nina  
sikenga sakprakan paisa bisil geprakko iano  
sike donangtokbo,

Reanggipa mande sakprakprakan ua chi  
gnanggipa baltino paisa bisil geprako goe donangtokengachim.  
Bonkamao mande agital saksa rebae uaba paisako galonaton.

*Judge—* Ia mandean paisa chaugipa onga, uko rimbo.  
Ua mande katna dakon songni manderang  
uko rimaha.

*Judge—* Ua bisani paisarangko onpiltokbo

*Songni mande- Skigipa naara maikai ia chau-  
rangoni saksa— gipako uia ?*

*Judge—* Ua basketo bada palani gimin uno to donga  
aro uno dongipa paisarangba to nangtoka.  
Uni gimin jensalo ia mande to gnanggipa  
paisako baltinni ch chi goaton toni jiljengako  
anga nikaha. Indake uko rima manaha.

Pedro kusi onge ua hakimni daka lamko  
ambitangna agana ine tarake katangaha.

—

---

—Mikka namsitangani somoio anga tegatchu minako  
nikate akna gita gadoangaha. Biteko akna dakon  
boloni a'aona ga'akonbaaha. Aditani jamano Hospital-  
ona raangaha, unon iarang pilakan Newton's gravi-  
tation-ni aselsa ong'aha ine poraiaoniko gisik  
ra'ataha.

## BRAHMAN ARO DOBOK

Changsao Mitra minggipa Brahman saksu song dam.  
 seona reange rebapilmitingo songni manderang una dobok  
 mangsako onataha. Ua dobokko antang pakretango gat<sup>e</sup>  
 noktangchina rebaengachim. Ramzo ua namgijagipa mand<sup>c</sup>  
 gakgitamko grongaha. Uamang ua dobokna mikboke uko  
 mana gita budi dakna abachengaha.

*Skanggipa—* ~~Oh~~ Brahman naa rongtalgipa mande onge  
*chalaki-mande* maikai achakko pakreo ripee antangko onia  
 ongata ?

*Brahman—* (Kaa nange) Oh jara naara achak aro  
 dobokni dingtanggrikaniko uijama? Iara  
 doboksa ine naa nikjama ?

*1st.* Kaa nangpanabe. Angaba mikron ronggni-  
*chalaki mande* chi nien aganengaba nangni. De achakkoba  
 deangaiboda nangni skasaba. Naasa antang  
 achakko deangeba maina angkosa kaa nanga  
 Adita reangani jamano ua sakgip.n chalaki  
*dafgipa denggu* mande saksako grongtaiaha.

*2nd —* Oh rongtalgipa skigipa naara maina matchu  
*chalaki-mande* bisa siako pakreo dee raangenga ? Naa  
 antangkon Brahman ine gualahama ? cheche!  
 krajajokde skigipa.

*Brahman—* Naara mikron grima? Maikai naara dobok  
 tangako matchu bisa sia gita ni a (kaa  
 nange mikron dale nitata.

*2nd —* Oh skigipa kaa nangpanabe. Haida angni  
*chalaki-mande* mikronan niksetahakon. Indiba angade

matchu bisa sia gita nikchongmotani gimir-  
sa aganaia. Ua nangni mikrona dobok  
ongode raanguibo.

*Brahman—* (Kra nange gisiktango chanchie reangenga-  
chim.) Mai ongah anga pagla ongjokma  
ba uamangan paglarangsama?

Indine gisiko chanchie adita chele reangon mande  
saksako grongetawaha. Ua gisikode manderangkon grongna  
kenengachim. Ua mandea maikoba agangenma ine  
ua jatiengbecgachim.

*3rd—* Oh Brahman ua gada bisako nang pakre-  
*chalaki-mande* oniko galatbojok intangode manderang  
nike nangna kadingsteknok.

Brahman aiao inmane ia mande sakgitamni mikronde  
tola ongjawa maiba mitekosa tole angna songni manderang  
mikrona dobok dake nikate onataha, maina ua sakartinan  
bimang dingtang dingtang dake mesokenga ire chanchie  
mamungkoba aganguja dobokko antang pakreoniko onwate  
gale antangni katna ama gita katangaha.

Uni jamano ua denggu aro chalaki mande sakgitamde  
kusi onge dobokko dere songe chatokaha,

Gipinno kadongna skang antangon kadongchengbo

## AGRANI DOKA-RANG

Changsao Akbarni Katcharini manderang  
unona rebae una report kaengachim

*Katchario' kam* Moharaja, naa jenseko maiba nengnikanirang  
*ka'ip r'angoni* dongen maina Birbalkosa amronga ? Chingko-  
*saksa—* kode maina jakkalja ?

*Akbar—* Maina uo pillaknan aganchakanirang donga  
aro pillak nengnikanirangko uiatna tarigimin-  
rang donga.

*Katcharini* Chingaba apasankon dakna manaigen. Indiba  
*mande—* chingnade cholkon onpajani gimin chinga  
maidake antangtangni changa sapaniko  
mesokpana mangan.

Unomiting chachao Birbal rebae uamang  
baksa apsan chadengea Akbar Birbalni mikango uamangna  
aganaha.

*Akbar—* Atcha anga dao nasimang pillaknan cholkon  
ongen nasimang aganchake nibo. Agrao ba-  
dita dokarang donga anga uina sikenga.

Unon uamang pillakan saksa sakgipinchiko  
nigrike aiao inmantokaha aro aganchakna, mangija dongtok-  
aha.

*1st. Courtier—* Chinga maidake uina mangan chanan man-  
tokjawake.

- 2nd Courtier—* Iako sandinade baditaba bilsirang nanggen.
- 2rd. Courtier—* Moharaj dokarangko channa manchongmot-jawa Maina uarang biapsano dongtokja.
- 4th. Courtier—* Darangba aganchakna manjawa. Birbalmang-ba ia singanikode aganchakna manjawa.
- Akbar—* (Birbalchiko nie) Birbal naara channa mangenma ?
- Birbal—* Tiktakmanchako aganode gimik gimang hajal kolatchigitam ritchasku kolgriksa donga. Moharaj
- Akbar—* Birbal maidake naa indita ongchongmota ine uina mana, Nangni aganagita ongjaode dal-bea sastiko ongen.
- Birbal—* Tiktak ongchongmota moharaj. Naa bebe rajaode antangan chane nibo.
- Akbar—* Chane nio nangni aganana batode;
- Birbal—* Chane nio batode gipinchini dokarang Agrani dokarangona chatchi chana rebaa ine nikna mangen, Angni chanmitingo gipinoni dokarangkode chanpana manja.
- Akbar—* Nangni aganana komibatode naa maik<sub>o</sub> agangen ?
- Birbal—* Oh angni agana numberni komiode Agrani dokarang gipin biapchi antangni chatchi angbak nangarangchi reangtokenggen. Ua-rangkoba angni chanaode galchangnade man-jawa.

Uni jamano courtierrang pillakan mamungko-ba agana mangija jiprip dake dongtokaba, Unoa Akbar

uamang pillaknan ganaha.

*Akbar—* Nibo dao nasimang pillakan nikahakonba.  
Uni giminsa Birbalode pillaknan aganchakani  
donga ine agana.

---

### BIAMGIPA SAKSANI RASONG

Badiaba song damsao Shiva Miteko olakiani nok  
dongachim. Biane chagipa saksu ua miteko olakie nok-  
tangechi repilangengmitingo saksu mane chagipa mandeba  
ua miteko olakina rebaengachim. Biamgipa ua mandeko  
gronge uko molmole aganaha.

*Beamgipa—* Saheb angna paisa onpabo. Anga okrienga

*Mane-chagipa* Tat sala maiko belbelenga. Ang sambaoni  
kat.

B iangipa duk onge reangaha. Mane chagipa  
mite noko napna dakon nokningchini kurang gambaha ua  
mane chagipa mande kena gnang jrip jrip knatime dongaha.  
*Mite nokni*

*kurang (Shiva)* . Oh dede Ganesha, ua biamgipa saksu nam.  
gipa toromigipa onga Anga una maikoba  
patina nangen. Naa una tangka laksako  
salchikungni gisepo patie onbo.

*Mite nokni ku-*

*rang (Ganesha)-* Apa anga nang agana gita dakgen.

Ua mare chagipa mande ia pil ak kattarang-ko knatime dongengachim. Gisiktango uz, ia tangka laksako mana nanga ine chanchie ua biangipako togina miksongaha. Ua kattange biangipako okame aganaha.

*Mane hcagipa—* Ch ripeng sengkubo, kema kabo anga nangko onggiya aganmanaha. Naa okriengode ha ia tangkako rabo (Tangka gong sotbongako one) Indiba daal d pet nangni biame jeko mana salchikungna king king angna ona nanggen.

*Biangipa—* (Gisiktango ia mandeara maina rangsan angna jaksramaniko mesokega haida bia antangui mangnina angko maiba dukko on atna senga Anga nangni tangkako indaka kattarango pangnakede rajawa.

*Mane chagipa—* Mai ! Atcha ha indide ritchasako rabo. Ma baditako ragen Hajalsa ? Hajalbonga ?

*Biangipa—* Inghing nangjawa, nangchongmotjawa.

*Mane chagipa—* Ha indide hajal sotbongako rabo !

*Biangipa—* Hajal sotbonga ? !

*Mane chagipa—* Hai angni nokehi rebo. Angni gisik ding-tangkujaon ragalgalboha.

*Biangipa—* Atcha indide ragen. Indiba angna maiba dukni gaakosai !



*Manchagipa*     Hatare mai duknisa gaakpagnok. Naa nangni biame jekoba manbo salchikungna kingking angna onasan nangaenba.

Indake ua biangipa hajal sotbonga mane chgipaoniko manaha. Ua sal dipetan mane chagipa mande salantian ua biangipaoniko jeko biame manpaachim ukon chimongengachim. Aro ua biangipana sawa maiko onangenga salantian ntime dongengachim. Jensaio hikunggipa sal sokbaea pring walni biangipani nokchi reange nioa n kejae rangsan mite nokchina durriange dogacholo naucha. Mite nokko dogatekani gimni maikoba agangenma ine nach l padape knatimengachim. Unon mite nokoni kurang ongkataaha.

*Mite nokoni ku*

*rang (Shi a)*— Ganesha, biangipi tangka laksako manahama ? Maikujaode daon onbo.

*Mite nokni ku*

*rang (Ganesha)* - Hajal sotbongakode biangipa manmanaha. Dao hajal sotbongako saksamane ongen. Ua dao dogacholo knatimenga ua hajal sotbongko onjaskal uni nachil dogao mabaka magajawaha.

Ia kattarangko ksae mane chagipa aiao inmane kenjagokna abachengaha. Ua nachitangko salgaloa joton kaesio nanjae dikhakchina chrikna abachengaha.

*Mane chagipa*— Dekchakbo ripetgrang ! Angni nachik'e is mite nokni dogao nangkapaha aro anga ragalna joton kaoba manjaengaha.

**Manderang tombatoke uni nachilko salgalna joton kabecoba manjaha.**

***Mane chagipa*—** Je gita joton kaoba namgni dongjawa ripeng-rang. Uni gimin angni jonggipana mande watatdeuko ianona rime rababo (Manderang uni jonggiprko rimeata)

***Mane chagipani***

***jongipa* —** Mai, dada, mai obosta ongaha ?

***Mane chagipa*—** Jong, naa ia biangipa mandeko nokchi rimange una tangka Rs. 50,000/- (hajal sotbongako) onatbo.

***Jonggipa*—** Tangka hajal sotbonga ! Maina indita tangka-ko ona nangenga ?

***Mane chagipa*—** Mamungkoba aganchanabe, Angni agana gita dakaibo.

Jonggipa biangipako rimange tangka Rs. 50,000/- hajal sotbongako ona ua mane chagipani nachilba magalaha. Mikbokaniara antangna gimaaniko ongata.



—Antangtangari ma'sina changahaon Test Tube-o bi'sa atchiatgipara maikai chanchiatgen.